



CHANSON NEVEZ,

*Composet var sujet eur c'himiad etre daou zen
yaouanq eus a escopti Treguer.*

Var eun ton divertissant.

Ar Goas.

BONJOUR d'êc'h, va Mestrez, deut oun c'hoas
d'ho qüelet;

Dioc'h ma leverot din, em rentot glac'haret :
C'houi voar a bell-amzer peguement ho caran;
Merget e meus-én d'êc'h n'en d'ê get a vremen.

Demeusur ch'ostez all oc'h eus sur va zromplet,
Ma n'adent oc'h-unan eun nebeut d'am c'haret ;
Seblantout arê din ne voac'h get drouc-contant
M'en em gavemp eun tu assambles o parlant.

Bet zo ganeomp hon daou alies preposiou,
Testes vat oc'h anè, dalc'hit mat d'ho comzou,
Me vo fidel d'am guer, dalc'hit mat d'oc'h hini;
An amzer a avanç, poent ê deomp demezi.

Ho pizach, ho portret, ho teod, ho taou lagad,
Ho furnes, ho touçder, ho comzou dereat,
O deus grêt em speret qer bras impression,
Mar deut d'am dilezel, e ranno va c'halon.

N'ouffen petra d'ober , ret eo elêvet bremâ
 An arrêt definitif , va setañ diveza :
 Güell eo mervel buan eguet bout languissant ,
 Bepret en esperañ , bepret en nec'hamant.

Roit din , va Mestres , prontamant va arrêt ,
 Ha sônjit qent e rêi emeus calz ho caret ;
 Consultit ho calon , sônjit ne zeus hini
 Ho car mui eguedon , ha deut d'am c'honsoli.

Ar plac'h.

Donet d'ho consoli a c'houlet , va mignon.
 Ezom a meus ive a gonsolation :
 Ganêc'h e c'houlennân ar c'hraç a c'houlennet ,
 Ezom hon eus hon daou da veza consolet.

Ho setañ a c'houlennit , plijet gant va Jesus
 E tepante ouzin e rêi dêc'h gracios !
 Certen en ho pije en ho discretion ,
 Agreabl deomp hon daou en dezir hor c'halon .

Ma vijen me mestrez demeus va bolonte ,
 Me voa dêc'h a chouï din hep nep difficulte :
 Me meus ho caret mat hac ho car a vremâ ,
 Ranna ra va c'halon oc'h en em dispartia.

Mes qent dispartia , me ho pet , selaoet ,
 Ha grit reflexion var va guer eur momet ,
 Doue a c'hourc'hemen senti oc'h tad ha mam
 Hac oboissa dê evit beza divlam.

Int a zalc'h n'or henvet plaç an Autrou-Doue,
 Oboissomp , p'on eus digante ar vue ;

Calz a boan o deus bet o tont d'hon elevi ,
Ne qet just hep o grâç -vad donet da zemezi.

O mouez zo evidomp certen mouez un Doue,
Biqen netra ne ran hep cavet o c'honje :
Grêt e meus va fossubl evit o renta contant ,
Grêt oc'h eus hoc'h ini , ha ne dint qet assant.

Me gred bremâ certen ne domp qet destinet
Da veza priejou assambles unisset ;
Doue ra deomp entent e vouez dre o guenou ,
Biqen ne dransgressàn sur e c'hourc'hemennou

Maraen hep oc'h braç-vadur marc'hat qer padus ;
Em bez aon goude-ze na ven me maleürus ;
Va c'houstianç goude a rebeche din-me
Em be ho qemeret hep conje va ligne.

Comzet meus ha grêt comz en hor faveur oute,
Ha biscoàs neus gallet o zrei var an tu-ze ;
Credit en assuranç oun-me qer bras fachtet
Ha ma ouffac'h beza , pa ne dint distroet.

Qement a meus grêt tout a zo bet inutil ,
Demezi hep o c'honge n'en dè qet difficil ;
Mes ennes zo eun dra ha na rin birviquen ,
Var guementse james ne dorrin o lezen.

Ar Goas.

He bien , va mestres , houmân zo calonad ,
A goust eun abondanç daelou d'am daoulagad.
Va c'halon gant glac'har a zo cazi rannet :
Houmâ zo calonad , goude beza caret !

Ar Plac'h.

Allas ! va zervicher , penos ho consoli ?
 Qer bras eo va regret ha ma zeo hoc'h hini ,
 Qement en ho carien ha m'aljac'h va c'haret ,
 Ar regret a zo just entrezomp partajet.

Ar Goas.

Coulz eo ta va mestres , prontamant qimiadi ;
 Pa neus qet a voyen evit hor ch'onsoli ;
 Credet am boa bepret an amzer a deuje
 Da zitrei ho qerent da veza em c'hoste.

Gounezet em boa-y ha distroet a gren ,
 Mes prestic goude-se e chenchont a lezen ;
 Ne fizin qet enno , avoalc'h oc'h eus clèvet
 Divar va fenn bemdes pa deuen d'ho quelet.

Poent edèc'h caout peoc'h ha din-me dimezi ,
 Aben eiz dez amâ me vo sur anezi ;
 Qeuz ameus o quittat ; c'honi vije , ma carjac'h ,
 Nemet var ho refus birviquen n'am hô plac'h ,

Adieu dèc'h a larân , adieu va esperanç ,
 Bremâ me ranqo clasq en eur placç all va chanç ,
 Fachet e zoun terrubl o tonet d'ho quittat ,
 N'en deus netra d'ober vit gounit ho craç-vat ,

Roit din qent quittat eur poq da guimiada ,
 Allas ! me gred certen e vo an diveza :
 Calet è deomp hon daou eur seurt cris disparti ,
 Mancout ra va c'halon an nerz em izili.

Ret eo e nep fortun caout calz eus a gourach ;
 Arabet eo succombi biqen evel eul lach ;
 Finissomp gant enor vel hon eus commancet ,
 Pa na bermet Doue e vemp-ni unisset.

Adieu dêc'h a laràn qent eguet ho quittä ,
 Me c'houlén evitdoc'h tri pe bêvar mennat :
 Da guenta caout eun all en devo talanchou
 Mui eguet n'a meus-me , ha mui eus a vadou.

Buez hir , joa , eürustet calz demeus a chanç ,
 Yec'het , plijadurez , famill en aboundanç ,
 Graç Doue er bed-mâ da zont d'ho qenderc'hel ,
 Er bed-all ar goude d'ar joayou eternal.

E zàn bremâ d'arguër , adieu a lavaràn deoc'h ,
 Birviqen n'ho quëlin n'am bezo joa ouzoc'h ,
 Mar permet va c'hlac'har arrêti va daelou ,
 A ben eiz dez amàn eur plac'h all am bezo.

Pa ne allàn caouet an hini a meus c'hoant ,
 Sur eun all am bezo hac a vezo contant ;
 Eun nor a zer ouzin hac eun all a zigor :
 Ret eo goude refus repari an enor.

Ar Plac'h.

Allas ! va zervicher , m'ho ped na gredit qet
 E ven-me qiriec mar doc'h bet refuset :
 M'am bije-me gallet , hep terri al lezen ,
 Donet doc'h eureuji , certen en er grajen.

Qement oun glac'haret ma ouffac'h-u beza ;
 E medi va c'halon var ar poent da ranna ;

Bras eo ar sac'rifij a ràn-me da Zoue.
 Me gret e recevin ar recompanç goude.

Me garje n'am bize birviquen ho quëlet,
 Pa ne allàn bremâ ho possedi bepret ;
 Dre va oboissanç qer avoalc'h e paeàn
 Va education , va antre er bed-màn.

N'ouffet petra raet , al lezen a gomand ,
 Ne avancin james hep o c'honsantamant :
 Brizomp bremâ souden oll nerz hor chadennou,
 Ha renonçomp a grenn d'hon oll bromessaou.

En emseparomp pront, pan'ellomp gouscoude,
 Na chomomp qet an eil d'afflija eguile ;
 Elec'h all ni gavo eur re d'hor c'honsoli ,
 Rac amàn hor glac'har ne ra nemet cresqi.

Qent ma tispartiimp, m'ho ped, va zervicher,
 Eun daou pe tri souhet ameus c'hoant da ober :
 Eur fortunaer ha pront, furnez, madou, coantis,
 Vertus , speret, menach , famill ha yaouanqis.

Graç Doue er bed-mâ da zont d'o qenderc'hel,
 Hac er bed-all goude ar joayou eternal :
 Cetu aze ar poqou ho poa-hu goulennet ,
 Biscoas hini na rois gant muioc'h a regret.

Ma carre an dud yaouanq pere a rën er bed ,
 Cundui o yaouanqis gant enor ha respet ,
 E vefent oll ervad e durant o bue ,
 O caout an esperanç demeus a c'hloar Doue.

FIN.

CHANSON AR BIG.

Var eun ton ancien.

DEMEZELET an autrou Tanguy
DO devoa diou Big en o zi ;
Disqet o devoa d'ê parlant ,
Evit o divertissamant.
Da vourg plouyan e yent da b'ourmen ,
Da velet o amezeyen.
Ar Big qenta eus aneze
A yê eus eil ti d'eguile ,
Elec'h ma sante c'hoes ar c'hrampoez :
Hac e c'houlenne eun tamic
Da soulaji e c'halonic.

Allas ! dre valeur e zeo bet êt
Da di Janned an Avelet ,
Evit goulen eun tam crampoez ,
Dac ivez ur bannac'hic læz ;
Mes an tirantes-se cruel
El lazas gant un tol spanel.

Monstr ! da galon na fraille qet
Gant an druez eus e c'hlêvet

O crial divar boes lie fenn :
 Va buez din , Aveleden ;
 M'ar doud fachet , ne deuin mui
 Da glasq crampoez na yot da ti.

An dyrantes ne qet bet contantet
 O veza bet ar Big lazet ;
 Qemennet e deus da vab Grall
 E rencje ober qement all ,
 E rencje ober eveltj
 Da big all an Autrou Tanguy.

Yan an Ena ni a s'ouje
 E voas-te fur bete neuze ;
 Pa poa-de grêt eur belevat
 E poa quillet ar scudel goat ,
 A poa-de quillet en ti-foru :
 Chang vad hon eus divar da zorn.

FIN.

